

OMUKUETU

No: 21

ESIKU 1 IJA NOVEMBER

1939

■ X · X · X · X · X · X · X ■ X · X · X · X · X · X ■ X · X · X · X · X · X ■ X · X · X · X · X · X ■

INO KANIŠA UULAZI

JOONA. 2:5.

Ongoje ho jematelele omoluoje muene. Oondjo zoje tazi ku šiminike tuu okutala šili Kristus uitale ngoje muene kašona kouala? Ošo šu uuka ihe, ngele ha ngaka nena ejemato ljoje oljo uufuzime uouala. Okutala uuziginine uomiilongua nomomaganohenda, no miilongua joje una uaa le u nokutala Kristus oljo inali opala. Okutala mbjoka taku ku nenepekiša, okutala esilohenda otaku ku šonopaleke. Oke silohenda mua hupišua, Efes. 2: 5, 8. Oku makelua kuoje nando okunenenene ino kaniša uulazi uoje, Joh. 1: 2. Pamue omakušikuši gokusa itage ku ninginiša nando, otage ku jelukiša ouala mungoje muene no tage ku šikameke kemaña — Kristus. Ongoje to vulu okukaniša uulazi e to uvi te ua fa ua kulukišua pošeelo šoheli komañala uaa le u guile mo. Kaku na ngoka a vulu okukulukišua muule u vule ombogo joheli. Aajapuki orendji omo ja li ja šindilua mo. Ihe to vulu okukugagana na nkujaka, nankujaka uo to uapa okuligamena luo kontempeli ondjapuki jOmüua, Joona 2: 5. Aajogua ajeke ja pitikilua oku ja montempeli ndjoka ja tungua kiikaha, omolua kehe mua li mu nokuetelua ešetondjambo, Iil. 21: 26. Ihe ngašingeji Kristus oje ontempeli, nejambo, nejambelo, nomüasaseri omükuluntu kutse, kuje itaje ja jalue, aue aanandjo ajeke najo je noku ja ouala kaje nejambo lilue, aue, oljo tuu e li jambele lumue aluke, ombinzi je, Hebr. 7: 27. Ongoje u zilazile oonzapo azihe zesilohenda ozi li megulu. Oho zilazila: "Oo, enzinziliko ljesilohenda oljatja ngini nangame uo ndi ka ninge?" Ihe mujaka omu nomanzinziliko omanene gomajuvi ogendji nangoje uo to uapa okuninga ua fa limue ljo mugo. Omülunde omülunde lela ke vule esilohenda lja Kristus nando. Ino kaniša ano uulazi, uoje. U tegamene

aluhe! Una iikogo ja luuza, u tale Kristus oje ongunzi jesilohenda no johoole jahe ja kolelela. Oja zikilua megulu, opo aanandjo ajehe je ji tale aluhe. Ino itaala šoka satana nomueño guoje tagu ti noku ku tamanka, ohapu ja Kristus ojo ohapu jeto kolo. Oje omüpanguli guaanamueño no guaa si, nepangulo ljahugunina oje tuu te li tumbula. Ombinzi je taji tu uvišile egeulu kišo, Kol. 1: 20, nešetö, Joh. 1: 7, nešašameno Hebr. 9: 13, nokulanda, Iil. 20: 28, noku kulila 1 Petr 1: 18, 19, ezimopo ljoondjo, Hebr. 9: 22, emangululo, Hebr. 10: 19, okupangula omüjuki Room. 5: 9, okuja popi na Kalunga, Efees. 2: 13. Nando eta limue ljomombinzi ndjika itaji ka kana. Šikama u pulakene Omüua Kalunga šoka ta ti, ota uvanekele aantu je ombili, jaa šune ue muugoja, Eps. 85: 9. Oje ta popi esilohenda, nolukeno nombili, 2 Tim. 1: 12. Ohe na Kristus taa popi elaka ljatjangaka, o ngoje u tegelele ehologo una ta holoka oňošingula, Ehol. 22: 16, ošili šili ngašika ongula taji ja je te ja uo, je e netalaleko nga ndjoka ljomvula jošinge Hos. 6: 3.

OKRISMESA.

Ošifo ša Krismesa ši li po taši oopalelele! Omapeko gašo ga zi ku Suomi ge nomafano omauanaua. Aakuluntu jamue jomiilongo muno ja fanekelua mo ngaši Negumbo, nošo uo aahongi jamue aakulu.

Omapeko ge ja 4230. Ano omualu guošifo šoka taši ningi omajuvi gane nomasele gaali nomilongo ndatu. Aalandi jOmükuetu ajehe taje ši peua ouala. Ihe tua hala ojo je tu jakule, ošoka nando aalandi jOmükuetu taje šipeua peha ljo onomola za Desember, natango taši hupu ošindji. Ano kehe omüpeui guOmükuetu, na konge aalandi orendji jošifo ša Krismesa. Omboka taje ši landa ngeji, ta je ši landa notiki jimue ajike.

NIKOTIN OŠIKE?

(Elundululo Ijomoš:kuiilongo)
Etsikilo ku N:o 19.

Nikotin, ano omakaja, taji alula noo-
nerve zokutala. Omeho gomuntu ha nu o-
makaja ita mono ngaši ando tagi mono
ngele ite ga nu nenge ite ga feña. Omeho
taga kaniša oonkondo okujoo'ola omaluaa-
la giili no giili, uuluze uiili no uiili, ngaši
uutiligane, nuutokele ošn. Oluindji nokuli
omuntu ta ningi omolu okunua nenge o-
kufeña omakaja omüposielela. Šika taši ku
nzinzilikiša nkene omakaja taga alukiša
oonerve zomakutsi, no zomajulu no zokana
pamue na nzoka zelaka. Uuinaji u'uuzigo
mboka ua holoka nokuli moonzi zokui-
ndjipalekiša aantu, ano zokuvala oma-
luvalo omape, no momülumentu no momü-
kiintu. Iponga mbjoka je etua komakaja
haji sigululua uo kuunona. Ongoje ngo ho
nu omakaja ho guezele ko kiiponga jilue
jomunona ombjoka jomakaja.— Oondunge
nzika kazi ši zomatengeneko gaantu, ozo
za monika kaakoneki haa koneke omalu
tu gaantu.

OKUIIPA OUSIMA.

Efiku eti 17 otua li tu na osivilo sou-
valelo uwapuki mOndobe. Omufita ueongalo
V. K. okue tu popifa neendjovo dmu-
profeti, umue ta ti: Ohandi etele Jehova
sike ehambelero. Oje okue tu pula jo ta ti:
Nje omua etela Jehova sike? Omua etela
tu Jehova Ousima ueni, ile ounongo ueni?
Omua eta tu oulunde ueni, ile oujuki ueni?
Ndele ne, onda tja, heno osili, ihatu lipe
ousima, ndelene ofie ovakrisite ohatu telele
okupeua ousima kovañu. Ndele fie vene iha-
tu lipe ousima, omukuetu penduka! Esi ua
handukifa omukueni nelaka lii, no ue mu
njeka ombili jaje, ile eemadi doje, ile omake
oje a longela omukueni ouii, ue mu njeka
ombili jaje. Ndele ne ino lipa ousima, u je
ku je, u tje: nde ku njeka ombili joje, esi
nda tonga elaka lii kuove, ile omake ange
e ku longela ouii a kufa po ombili jetu
naove. Tala omusamane V. K. okua fatula
David a mona elao, esi e lipa ousima. Oso
omuteloni a mona elao esi e lipa ousima.
Omukuetu, tala jo Luk. 19. 8 — 9. Sakeus
ta ti, ndele ngenge pe na umue nde mu
njeka, ohandi si mu sunifile lune. Ndele
Jesus okua tja ku je: Nena eli eumbo eli ola
mona elao, osesi na je omona ua Abraham.
Penduka omukriste mukuetu, jala okukala
kuoje, to pi, efa oujuuki uo moipafi jovañu.
To kana. Konga oujuuki uo kosipala sa
Kalunga, opo to mono elao.

S. Pasita

NIKOTIN JA TANA.

Ovasamane ovasangi vomukuetu, Oniipa
Onda ti ijaloo moluasi nda uda oudio ou
edina lao Nikotin. Opono hai dimbulukua
kut'a omu mosilongo setu sa Uukua jama
u li mo unene u kuete ovañu va hapu sili.
Ame ondali nda kumua sasi ua fa itau sivika
naua kovahakuli sasi na ame jo u kuete nge
naanaa hano u li nge mohonde jange ngenge
tau hangenge nda fa ndi kuetiue keemofi to
ti, ndele handu udu medimo mu talala fijo
olutu alise la kukuta nee nohonde itai ende
vali. Hano oso si li mosilongo asise, oudu ou
ua tana unene. Hano uange ua dja moudu, nda
velele ositoma modula 38 nda file. Opo nda
dja ndi na oudu ou. Hano ootate tu sivifeni
ku tia tau hakulua ngahelipi? Nge moipaz-
ngelo hatu mono mo omi, tu mone ehupifo
lolutu, osesi nda ja luhapu kosipangelo,
ndele ovahakuli va fa tava njengua oudu
uatia ngaha! Ndele ame ohai nu omakaja,
hano tu lombueleni tau pangua ngahelipi?
Alikana hatu ti ku uo! Haimu halele ejambe-
ko la Tate meulu li kale nauje aluse, kaume
keni Simon Lot. Onengali,

OMUJAMBA NA LASARUS.

Omujamba olje, na Lasaruas olje? Ova-
ñu ava va popiua nale ku Jesus a ti: Okua
li omujamba a djala oikutu itiljana noito-
kele nokua njanjukua omafiku aese, na
Lasarus ohepele a kala poñu jaje ina mona
iikulja, nokua li ena iipute kolutu, eembua
de mu filongenda, da lafa oipute jaje. Nani
eembua odi na ongenda di dule ovañu,
otu dulikeni keembua ongenda. Otua dulika
ngahelipi keembua ongenda. Tala omusinda
soje a hepa, ue mu pa iilja tu? Ta fi ondjala,
ue mu pa ongombe a lje omasini tu? Ue
mu pa omüdjalo tu? Ove omukuetu, so ua
hepa ngaha ua fa Lasarus, pamue ua hala
okuvaka po inima jovañu molu oluhepo,
ngenge oto diladila ngaha, mekolo la Abrah-
am ito i mo. Otaku ti kombada jedu ua mo-
na enjanju, meulu ito ke li mona.

Omujamba ove so u li no to njanjukua
ngaha to li no to nu no to djala, ua hafa,
dimbulukua hano to ka ja tu mekolo la Ab-
raham. So u dulike ongenda keembua to ka
pia momudilo ua huama. Lungama! Ope na
olumbongo lunene pokati kolukolo lua Ab-
raham no luomundilo ihaku di omuñu a
je ku Abraham. Natu ninge ngahelipi, tu ka
mone mekolo la Abraham.

Lukas Haivela

ASISE ESI SILI MOUNJUNI Sa HALA SI TU TEKULE.

Omafiku maua a hala tu longele Omuene moluo uua uaje. Omafiku oudju a hala oku tu tekulila ovalididimiki. Opo tu lihonge okulmekela Kalunga, nokutelela ekuafu laje, nande, tali uja diva. Omuñu mounjuni ohe lipula: Osike Kalunga ta ningi ngaha, ile osike ta ningile nge ngaha. Efiku limue Kalunga ota tumu ondjala. O dula itaji loko novañu otava hepa. Ile osike ta tumu oudu hau hepeke ovañu? Asise ohe si ningi ngasi a hala, oku tu tekula, tu ninge ovalididimiki, novateleli vehalo laje. Esi a tuma, ote si kufa po. Ofje tu nokukala tua muena ponele opo tua tulua, ngenge joudju, ote u kura efimbo laje. Kese omunu kombada jedu ou na apa ua tulua, nge ponele joua i le jouii. Kalunga Omuene ote si itavele u sindue u tukue, u dengue. Ota eta ondjala noudu uosinamenena, ndele nande ta ningi ngaho ite si ningile ekano a hala tu puke ile tu kane aje: Kalunga a hala nokuhalelela ovañu avese va hupe. Kalunga ke na etongolo e hoole umue, vamuc, e va tonde. Kese omuñu e holike kuje, nande osingolomena, ile omunedilo. Hatu lesa 1 Tim. 2: 4., „Kalunga a hala ovañu avese va hupifue, na va longue okusiva osili jo vene.” Inatu diladileni nande kaniñoli nokutia Ohamba Kalunga okua jukifila vamue omuenjo, no vakua ekano, a je. Ngeno a hala ngaho, ngeno a tuma Omona kombinga imue jounjuni — Hano ngenge tua peua ouñanganu ine u tu pa ekanifo ahoue, okutekulila Ouhamba uaje. Kalunga ta ningi ngasi a hala, ngasi ovalikani ta ti: Ehalo loje na li longue kombada jedu. Ndele omuñu ina hala okukala apa a tulua, ile esi ta peua. Ota ngongota ngasi ovaIsrael, esi va li mofuka jehange. Ombija jombelela jokosi joupika ve i hala. — Luhapu tapu udika” ina ndi mu hala vali, mangululeni nge, itai su na ko vali, omuñu oo, ke si omuñu. Omalipopilo e li li e dule apa. Ousima ua ninga ua Kain esi a lombuelua: „Ino handukila ondenge joje.” Ekumaido o lo inali mona onele momuenjo uaje, ina muena a tje muje muene: „Kalunga muene a lombuela” nge itai handuka vali.” Ousima uaje ine lididimika fijo se mu tuala medipao. Tu kaleni apa tua tulua nokumuena, ha nokungungutula. „Ovanelao ovanañeni, osesi o tava fiulula edu.” Epulo tali uja Omuene ngenge ta pula esi e kupa. Opo, omudiki ueumbo, epulo tali ja, ñe ua tekulila eumbo mu Kristus. Komuene uosilngo, nomuene uomukunda pomufita nokovalongi avese, epulo tali uja,

Pamue enjamukulo la Kain otali ka holoka, ame omufita uaje?” Enjamukulo olo oliua tu mbela? Kese omuñu okua peua osilonga oku'ongela Kalunga komeso epulo tua tee lela. Tu hongueleni hano omanjamukulo. Enjamukulo likua li li Mat. 25: 24—25 — „Onda fudika medu osimaliua soje, tala oso esi.” Nena e li Asise esi si li mounjuni osa hala oku tu tekulila eulu.

Sem Kaukungua

IIPONGA.

Esiku eti 7 lja Oktober 39 mUukua luuzi uetu mue ende le ošikungulu ošizigu. Pokati komuteña ombepo ja tukuluka e taji pepe noonkondo, noompau e za li po ozi ndjizindji zi šike poondungu zominue, zimue ozi šike piigongoti. Omiti ozindji za teka po, nomagumbo gamue ga jonua po, oonzita za sa, niikombo ojindji ja sa, naantu jahejali ja zipagua koompau. Ngašingesi kombinga jimue jošilongo omišima ozu uza omeja. Aantu oje li po ja kumua neenkondo, ošikungulu ša tja ngaaka inaši monika nale, naakulupe oja tila, ošiponga ša tja ngaaka inaši kala mo no muujuni uao uonale.

Soka tu uvu mpaka ša ningua kUukualuuzi, ošo sa ningua kombinga jUukuanjama uo. Taku tiua oompau e za lokua za li zi šike pei ljompo

Esiku limue aahongi jokOnajena je ende nešina, ja talele po oskola. Pošipale šontumba aalumentu jaali ja a zika taji ijogo. Gumue guo mujo okua nukile komeho gešina, nomuhingi gualjo šo a ñengua okušikameka mbala ešina lje, oje a ljatua kuljo nokua si.

Ongoje ngoka u li naua, zimbulukua omaso hage etua no kiiponga jiili no jiili. Onke kala ua longekizua ku ngoka ku niipatululo jeso no jomuño.



OMŪNONA A LIKOLA OŠINDJI.

Mu Suomi menongelo li nue ljaanona omŭnona gumue u ulike ošikaha še, a hala okuhokolola ša. Omŭnongeki šo e mŭ pula a hala šike, oje okua ti: "OPaulusa nguka ini itaala ejumuko ljoonakusa." Omŭnongeki okuai ti: "Okuaaitaala kua Paulus taku nikiša ndje uušigua, ihe ongože muene u itaale tuu, oonakusa taa ka jumuka šili?" Omŭnona okua ti:

"Eeno, onde ši itaale šili." "Oto vulu tuu okutumbula oonzapo, tazi tu tsejišile ejumuko ljoonakusa?" "Eeno." Oohapu zini po andola zomOmbibeli za ningi oonzapo zoje? "Omŭnona okua ti: "Jesus okua lombuele Martta nokua ti: „Ongame ejumuko nomueño, ongoka i itaala ndje, oje ta kala e nomueño, nando na kale a sa. Na kehe tuu ngoka e nomueño nokui itaala ndje, kee na mpo ta si-sigo aluhe. "Omŭnongeki okue mŭ pula išeue: "No mEtestamenti Ekulu omu na tuu oohapu tazi popi ejumuko?" Omŭnona okua ti: "Membo lja Job omu noohapu tazi ti: "Ongame ndi ši ši Omŭhupiši guandje ta kala e nomueño noje ota ka šikama kombanda jevi. Noši pa šika šandje nge nde ši hulua no nda manguluka molutu nduka luandje, otandi ka mona Kalunga." Omŭnongeki okue mŭ lombuele, a ti: "Ou ši ši tuu, oohapu nzoka ue zi popi, ozi li tuu šili mOmbibeli? Kuata embo ngu zi ulukile ndje." Omŭnona nguno omŭšona okua kuata Ombibeli nokua kongo mo oohapu nzoka nokue zi leša. Otse aaleši naapulakeni jehokololo ndika, ngika tatu ikuata komilungu zetu, e tatu ti: Omŭnona omŭnandunge ngini! Okua likola peni oondunge zi šike mpa!" Ndi ši, omŭnona nguka oku naakuluntu je hoole okuleša oohapu za Kalunga no haje zi lešele uo aantu jaandjauo ajehe. Nomŭnona e zi hokua nokue zi pungula momueño gue. No menongelo okua li ha pulakene, e ta pungula ajihe mbjoka, aanona ja li taje ji nongekua. Ošo ngeji okua likola eliko ndjoka enene hali mŭ paluša, e tali mŭ putuzile omueño gualuhe. Aanona naagu ndjuka ne aauambo, omanongelo getu ga zimbuka omasiku ngano. Onda hala oku mu pula: Omua likola šike momanongelo geni numvo?

H. K.

Ookume kOmukuetu!

Omŭmvo ngu šo gua tameke, Omŭkuetu okua li a nañukua, šo kua li a halika naua. Ihe, ngašingeji elilagano ljouala lja kala po.

Talenil Oje he ja, no he ja kune, ta tala nke tamu li no tamu nu, ihe oje ina peua nando ša. Ina pula nokuli ošindji, ošilinga jimue ajike (1/—) no te ja kaa ndjeni luaali kehe omuezi.

Kume kOmŭkuetu! Koleka uukume ueni naje! Endelega okutuma ošilinga manga omuezi November inagu hula po, opo nošifo ša Krismesa, taši tumua kOmŭkuetu, ši ku nañuže naua.

Novakuanjama ovakuetu nje! Mua handukile nge šike? Ngenge mua dimbua nge?! Osesi ihamu šangele nge vali nande nande. Ndi tje ngahelipi!! Uool Hai lili. Ovafita vomaongalo kuafii nge. Uool

Ame Omŭkueni.

SEMINARI.

Nando uujuni ua pjagana, Kalunga ta longo ošilonga še, nokua hala aantu je ja taandelise ošilongo še.

Noku mu inekela ta hala okulongiša aauambo uo, oseminari ji li po taji hala okutaamba aalongua aape esiku 1 lja Februar 1940. Oomboka taa taambua ojo je nokutuma eindilo ljauo ku Seminari pomasiku 1 — 15 Januar. Pamue neindilo taku tumua:

- 1) onzapo jomšita guegongalo moka mua tumbulua esiku ljokuvalua, nokušašua nokukolekua;
- 2) nehokololo nenge epopilo, ljomŭhongii nenge ljomšita guegongalo nenge, ljomŭkuluntu guoskola moka a longua;
- 3) neñolululo ljonzapo jenongelo ngele ljokOšigambo, ljokEngela, nenge ljokOnguediva nenge ljokUukualuzi;
- 4) nehokololo ljomuindili muene, ta hokolola nkene Kalunga e mŭ išana eje mošilonga še, na nkene oje e mŭ endiša (ha euvišo).

Aasamane naakulukazi itaa taambua, ojo mbaka ajeke je noomvula 20 — 30.

Ombaka ja tumu oombapila zauo za ziminua, taa konakonua mOniipa esiku 1 — 2 lja Februar.